

## **К ОПУБЛИКОВАНИЮ**

### **КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ**

**«Гражданскӧй йӧзкотыр сӧвмӧдӧм вылӧ  
Коми Республикаса Юралысьлысь грантьяс сетӧм йылысь  
положение вынсьӧдӧм йылысь» Коми Республикаса  
Веськӧдлан котырлӧн 2019 во ӧшым тӧлысь 13 лунся 598 №-а шуӧмӧ  
вежсьӧмъяс пыртӧм йылысь**

Коми Республикаса Веськӧдлан котыр шуис:

1. Пыртны «Гражданскӧй йӧзкотыр сӧвмӧдӧм вылӧ Коми Республикаса Юралысьлысь грантьяс сетӧм йылысь положение вынсьӧдӧм йылысь» Коми Республикаса Веськӧдлан котырлӧн 2019 во ӧшым тӧлысь 13 лунся 598 №-а шуӧмӧ вежсьӧмъяс содтӧд серти.
2. Тайӧ шуӧмыс вынсялӧ сійӧс официальной йӧзӧдан лунсянь.

Коми Республикаса Веськӧдлан котырӧн  
Юрнуӧдысьӧс Медводдза вежысь

Э. Ахмеева

Сыктывкар  
2024 вося тӧвшӧр тӧлысь 23 лун  
25 №

Коми Республикаса Веськӧдлан котырлӧн  
2024 во тӧвшӧр тӧлысь 23 лунся 25 №-а шуӧм дорӧ  
СОДТӦД

«Гражданскӧй йӧзкотыр сӧвмӧдӧм вылӧ  
Коми Республикаса Юралысьлысь грантьяс сетӧм йылысь положение  
вынсьӧдӧм йылысь» Коми Республикаса Веськӧдлан котырлӧн  
2019 во ӧшым тӧлысь 13 лунся 598 №-а шуӧмӧ пыртӧм  
**ВЕЖСЬӦМЪЯС**

«Гражданскӧй йӧзкотыр сӧвмӧдӧм вылӧ Коми Республикаса Юралысьлысь грантьяс сетӧм йылысь положение вынсьӧдӧм йылысь» Коми Республикаса Веськӧдлан котырлӧн 2019 во ӧшым тӧлысь 13 лунся 598 №-а шуӧмын:

1) 2 пунктын «Коми Республикаса экономика сӧвмӧдан да промышленность министерствосӧ» кывъяс вежны «Коми Республикаса экономика сӧвмӧдан, промышленность да транспорт министерствосӧ» кывъясӧн;

2) Гражданскӧй йӧзкотыр сӧвмӧдӧм вылӧ Коми Республикаса Юралысьлысь грантьяс сетӧм йылысь положениеын, мый вынсьӧдӧма шуӧмӧн (содтӧд), (водзӧ – Содтӧд):

а) 1 пунктын:

медводдза абзац гижны тадзи:

«1. Тайӧ Положениеыс индӧ социальнӧй нырвизя абу коммерческӧй организацияслы, кодъяс уджалӧны Коми Республика мутасын да збыльмӧдӧны социальнӧй тӧдчанлуна проектяс (водзӧ – проектяс), гражданскӧй йӧзкотыр сӧвмӧдӧм вылӧ Коми Республикаса Юралысьлысь грантьяс субсидиясӧн сетан условиясӧ да пӧрадоксӧ (водзӧ лӧсялӧмӧн – Положение, грант).»;

мӧд абзацын «Коми Республикаса экономика сӧвмӧдан да промышленность министерстволӧн» кывъяс вежны «Коми Республикаса экономика сӧвмӧдан, промышленность да транспорт министерстволӧн» кывъясӧн (водзӧ – уполномочитӧм орган) кывъясӧн;

б) 2 пунктын:

4 пунктывса «н» пунктулын «фондӧн.» кыв вежны «фондӧн;» кывйӧн;

содтыны татшӧм сюрӧса выль 5 пунктыв:

«5) абуӧсь фактьясыс сы серти, мый уполномочитӧм органӧ гражданскӧй йӧзкотыр сӧвмӧдӧм вылӧ Коми Республикаса Юралысьлысь грантьяс сетан конкурс вылӧ заявкаяс примитны помалан кадпас вылӧ (водзӧ – конкурс) абу сетӧма грант сьӧмсӧ торъя мог вылӧ видзӧм йылысь да проект серти, кутшӧмӧс збыльмӧдӧма, грант видзан бӧртаслунлӧн петкӧдласьяс серти значениясӧдз воӧдчӧм йылысь отчетность (татшӧм отчетностьсӧ сетан кадколастьясыс кӧ воисны конкурсын участвуйтӧм вылӧ заявкаяс примитны помалан кадпасӧдз), абу коммерческӧй

организацияс кындзи, кодъяс медводдзаясь шыёдчöны грант босьтöмла.»;

в) 4 пунктын:

«Коми Республикаса экономика сöвмöдан да промышленность министерство (водзö – уполномочитöм орган)» кывъяс вежны «уполномочитöм орган» кывъясöн;

«Гражданскöй йöзкотыр сöвмöдöм вылö Коми Республикаса Юралысьлысь грантыяс сетан конкурс (водзö – конкурс)» кывъяс вежны «конкурс» кывйöн;

г) 9 пунктын «проектъяс» кыв вежны «Коми Республика мутасын збыльмöдны көсян проектъяс» кывъясöн;

д) 11 пункт гижны таdzi:

«11. Конкурсын участвуйтöм вылö колö, медым конкурс вылö заявка сетан кадпас вылö абу коммерческöй организация öтпырйö лöсялис татшöм корöмъяслы:

1) абу коммерческöй организациялöн öтувъя вот тшöт вылын абу Россия Федерацияса сьöмкуд системаса сьöмкудъясö вот, öктас да страховöй взносыас мынтöм серти уджйöзыс куим сюрс шайтысь унджык мындаын;

2) абу коммерческöй организация оз пыр организацияслöн да торъя йöзлöн лыддьöгö, кодъяс серти эмось экстремистскöй уджö либö терроризмын налöн участвуйтöм йылысь тöдмөгъяс;

3) абу коммерческöй организация оз пыр ООН-лöн Подувпуктасса VII юрпасöн, ООН-ын Безопасность серти Сöветöн либö органъясöн, ООН-ын Безопасность серти Сöветöн торйöн лöсьöдöм помшуймъясöн урчитöм уджмогыас олöмö пöртöм серти организацияслысь да торъя йöзлысь лöсьöдöм лыддьöгысын, кодъяс йитчöмаось террористическöй организацияскöд да террористьяскöд либö уна йöзöс бырöдан öружье паськöдöмкöд;

4) абу коммерческöй организация оз ло суйöрсайса агентöн «Суйöрсайса тöдчöм улын лойсь йöзлöн удж бöрся контроль йылысь» Федеральнöй оланпас серти;

5) абу коммерческöй организация серти оз нуöдны выль ног котыртöм (абу коммерческöй организация дорö мöд юридическöй кывкутысьöс öтлаöдöмöн выль ног котыртöм кындзи), бырöдöм серти уджъяс, сы серти оз нуöдны банкротство серти удж, абу коммерческöй организациялысь уджсö недыр кад кежлö абу дугöдöма Россия Федерацияса оланпастэчасöн урчитöм пöрадокын;

6) абу коммерческöй организациялöн абу Коми Республикаса республиканскöй сьöмкудийö субсидияс, сьöмкуд инвестицияс бергöдöм серти нюжöдöм уджйöзыс, кутшöмъясöс сетöма сы лыдын мукöд инöда акт серти, да Коми Республика водзын мукöд нюжöдöм (ладмöдтöм) уджйöзыс;

7) дисквалифицируйтöм йöзлöн реестрын абуось абу коммерческöй организациялöн дисквалифицируйтöм юрнуöдысь, коллегиальнöй олöмö

пӧртысь органӧ пырысьяс, ӧткӧн олӧмӧ пӧртысь органлысь могъяс збыльмӧдысь морт либӧ юралысь бухгалтер йылысь тӧдмӧгъяс;

8) абу коммерческой организация оз босьт Коми Республикаса республиканской съёмкудйысь съём Коми Республикаса мукӧд нормативной инӧда акт подув вылын медшӧр мог вылӧ, мый урчитӧма тайӧ Положениелӧн 3 пунктӧн;

9) абу коммерческой организация оз ло суйӧрсайса юридической кывкутысьӧн, сы лыдын кодӧс пасйысянінӧн лоӧ канму либӧ мутас, кутшӧмъясӧс пыртӧма Россия Федерацияса съём овмӧс министерствоӧн вынсьӧдӧм канму да мутас лыддьӧгӧ, кутшӧмъясӧн вӧдитчӧны Россия Федерацияын активъяс шӧракостса (офшорной) кутӧм могысь (водзӧ – офшорной компанияяс), а сідзжӧ россияса юридической кывкутысьӧн, кодлӧн уставной (складочной) капиталын офшорной компанияслӧн веськыда либӧ косвенноя (бокӧвой йӧз пыр) участвуйтан пайыс ӧтлаын вевтыртӧ 25 прӧцент (мӧдторсӧ кӧ абу урчитӧма Россия Федерацияса оланпастэчасӧн). Россияса юридической кывкутысьяслӧн капиталын офшорной компанияслӧн участвуйтан пайсӧ арталігӧн оз артавсьы офшорной компанияслӧн йӧзлы восьса акционер котыръяслӧн (сы лыдын войтыркостса компания статусӧн) капиталын веськыда да (либӧ) косвенноя участвуйтӧмыс, кодъяслӧн акциясыс бергалӧны Россия Федерацияын котыртӧм тӧргъяс вылын, а сідзжӧ офшорной компанияслӧн мукӧд россияса юридической кывкутысьлӧн капиталын косвенноя участвуйтӧмыс, мый збыльмӧдсьӧ индӧм йӧзлы восьса акционер котыръяслӧн капиталын участвуйтӧм пыр.

Конкурс котыртысь заявка босьтан лунсянь 3 уджалан лун чӧжӧн ачыс корӧ тайӧ пунктса 1 пунктулын индӧм тӧдмӧгъяссӧ, а сідзжӧ юридической кывкутысьлӧн ӧтувъя канму реестрысь юридической кывкутысь йылысь тӧдмӧгъяссӧ татшӧм тӧдмӧгъяс (документъяс) сетны уполномочитӧм организациясысь ведомствокостса юӧрӧн йитчан пӧрадокын.»;

е) 12 пунктын 2 пунктуса медводдза абзацын «организациясӧс петкӧдлысьяс» кывъяс вежны «организациясӧс, Коми Республикаса олӧмӧ пӧртысь власьт органъясӧс петкӧдлысьяс. Экспертъяс лыдын йӧзыс, кодъяс уджалӧны Коми Республикаса канму чинъясын, канму да муниципальной служба чинъясын, муниципальной чинъясын, лоӧны экспертъяслӧн ӧтувъя лыдысь коймӧд пайысь оз унджыкӧн.» кывъясӧн;

ж) 13 пунктса 4 пунктулын «11 пунктса 2 – 6 пунктувъясӧн» кывъяс вежны «11 пунктса 2 – 9 пунктувъясӧн» кывъясӧн;

з) 21 пунктса медводдза абзацын «заявка пасьян номер» кывъяс вежны «(заявка идентифицируйтан номер» кывъясӧн;

и) 29 пунктса мӧд абзацын «ёсылун эмлун йылысь тӧдмӧгъяс.» кывъяс вежны «ёсылун эмлун йылысь, грант коран мындаысь 75 прӧцентысь этшаджык мындаын грант сетан помкаяс да подувъяс йылысь тӧдмӧгъяс (татшӧм помшуӧм примитӧм дырйи).» кывъясӧн;

к) 30 пунктса 2 пунктув киритны;

л) 32 пунктса 2 пунктс гижны тадзи:

«2) йөзөдө уполномочитөм органлөн официальной сайтын, Öтуввез-порталын да гранты.рф юөртан ресурсын конкурс нуөдан бөртасъяс йылысь юөрсө, сы лыдын:

конкурсын став вермысь йылысь юөрсө (абу коммерческой организациялөн – конкурсын вермысьлөн ним, сылөн канмусянь пасъян медшөр пас, вот мынтысьлөн пас, проект ним да (либө) сійөс дженъыда опишитөм, кутшөмөс збыльмөдөм вылө сетсьө отсөгыс, сылөн мында, заявка идентифицируйтан номер – конкурсын вермысьяс йылысь помшуөм примитан (лөсялана юөр вежан) лунсянь 5 календарной лун чөжөн;

заявкаяс видлалан кадпассө, кадсө да местасө;

заявкаяс донъялан кадпассө, кадсө да местасө;

абу коммерческой организацияяс йылысь юөрсө, кодъяслысь заявкаяссө вөлі видлалөма;

абу коммерческой организацияяс йылысь юөрсө, кодъяслы заявкаясын вөлі өткажитөма, наын өткажитан помкаяссө, сы лыдын конкурс нуөдөм йылысь юөртөмлысь положениеяссө, индөмөн, кутшөмъяслы оз лөсявны тайө заявкаясыс;

абу коммерческой организацияяслысь лыддьөгсө, кодъяслы өткажитөма грантъяс сетөмын, өткажитан помкаяссө индөмөн.

Уполномочитөм орган ыстө конкурс котыртысьлы тайө пунктса 1 пунктулын индөм тшөктөдсө сійөс примитан лунсянь 1 уджалан лун чөжөн.»;

м) 34 пунктса медводдза абзац гижны тадзи:

«34. Гран сетан бөртас (торъя мога петкөдлас): абу коммерческой организация збыльмөдөма проекта мероприятиеяссө да воөдчөма грант сетан торъя мога петкөдласъяслөн планируйтөм значениясөдз.»;

н) 37 пунктс:

дас нельөд абзацын «штрапъяс вештөм серти рөскөд.» кывъяс вежны «штрапъяс вештөм серти рөскөд;» кывъясөн;

содтыны татшөм сюрөса выль абзацъяс:

«сьөмөн сертификатъяс ньөбөм вылө рөскөд;

торъя йөзлы призъясөн, сувениръясөн, козинъясөн сьөм мынтөм вылө рөскөд.»;

о) содтыны татшөм сюрөса 37<sup>1</sup> пункт:

«37<sup>1</sup>. Сэк, кор абу коммерческой организациясө выль ног котыртөны өтувтөмөн, өтлаөдөмөн либө вежөмөн, Артмөдчөмө пыртөны вежсьөмъяс көсйысьөм серти мортөс вежан юкөнын Артмөдчөм дорө содтөд артмөдчөм кырымалөмөн Артмөдчөмын инөд босьтысьөн лөысь юридической кывкутысьөс индөмөн.

Сэк, кор абу коммерческой организациясө выль ног котыртөны юкөмөн, торйөдөмөн, а сідзжө сэк, кор бырөдөны абу коммерческой организациясө, Артмөдчөмсө дугөдөны Артмөдчөмсө өти боксянь дугөдөм йылысь уведомление да Артмөдчөм серти көсйысьөмъяс олөмө пөртөм йылысь акт лөсьөдөмөн, көні индасны абу коммерческой организацияөн

збыльмөдтөм көсйысьомъяс йылысь юөрсө, кутшөмъясөс сьомөн могмөдан өшмөсөн лоө грант, да грантлысь видзтөм коляссө Коми Республикаса республиканскöй сьомкудйö бергөдөм йылысь юөрсө.

Артмөдчөмсö öтиладорсянь дугөдөм йылысь уполномочитөм органлөн помшуөмыс вынсялө да Артмөдчөмсö лыддьöны дугөдөмаөн сэк, кор уполномочитөм орган колана ногөн юөртöма абу коммерческöй организацияö Артмөдчөмсö öтиладорсянь дугөдөм йылысь.»;

п) 42 пунктö содтыны татшөм сюрöса мөд абзац:

«Уполномочитөм орган, а сідзжö сьом овмөс бөрся канмусянь контроль нуөдысь мукөд орган нуөдöны прöверка сы серти, кызди абу коммерческöй организация кутчысьö грантьяс сетан условиеясö да пöрадокö, сы лыдын Россия Федерацияса сьомкуд кодекслөн 268.1 да 269.2 статьяс серти грант сетан бöртасьясöдз воөдчан юкöнын.»;

р) Гражданскöй йöзкотыр сөвмөдөм вылө Коми Республикаса Юралысьлысь грантьяс сетан конкурсын участвуйтөм вылө заявкаяс донъялан методикаын (Положение дорö содтөд):

1 №-а содтөдлөн 9 позицияса 3 графын «1» лыдпас вежны «0,5» лыдпасөн.